

Pratica per calcular la contribuziun dals geniturs en cas da mesiras staziunaras

1. Eventualas entradas da l'uffant vegnan messas a quint directamain cun la mesira

- 1.1. Las entradas da l'uffant, ch'èn cuntegnidas en ina mesira, vegnan messas a quint directamain cun ils custs da la mesira (p.ex. mantegniment d'assistenza, mantegniment en daner contant, rentas da la AI per uffants, prestaziuns supplementaras per l'uffant, il salari [tenor cifra 1.2]).

<i>Exempel</i>	
Custs da mesiras	fr. 1000.–
Entradas uffant	– fr. 500.–
Import restant custs da mesiras	fr. 500.–

- 1.2. Sche l'uffant pertutgà da la mesira ha in'actividad da gudogn, vegn il salari mess a quint per la mesadad cun ils custs da mesiras.

<i>Exempel salari d'emprendist</i>	
Salari	fr. 600.–
Import a favur da l'uffant	– fr. 300.–
Salari che vegn resguardà tar las entradas uffant	fr. 300.–

Important: I vegn descrit il proceder pertutgant las mesiras da la protecziun d'uffants staziunaras. En connex cun mesiras da la protecziun d'uffants puramain ambulantas n'èsi betg da proceder tenor cifra 1.

2. Particularitads per calcular la contribuziun dals geniturs

- 2.1. Sch'in genitur paga aliments (mantegniment en daner contant, mantegniment d'assistenza), na sto **nagina** contribuziun dals geniturs vegnir messa a quint a quest genitur. La contribuziun dals geniturs vegn pajada cun ils aliments (mantegniment en daner contant, mantegniment d'assistenza) e messa a quint directamain cun ils custs da mesiras (cf. cifra 1). Per l'auter genitur sto vegnir calculada ina contribuziun dals geniturs.
- 2.2. Sch'ils geniturs retiran agid social, po vegnir supponì senza calculaziun l'import minimal da 10 francs per di sco contribuziun dals geniturs.
- 2.3. Uffants en mesiras staziunaras per la protecziun d'uffants na vegnan betg resguardads cun preparar il preventiv COSAS extendì dals geniturs.

<i>Exempel areguard grondezza da la chasada</i>	<i>Grondezza da la chasada preventiv COSAS extendì</i>
Bab, mamma, uffant (mesira staziunara)	Chasada da 2 personas
Bab, mamma, uffant, uffant (mesira staziunara)	Chasada da 3 personas

Bab, mamma, uffant, (mesira staziunara), uffant (mesira staziunara), uffant	Chasada da 3 personas
Mamma, uffant (mesira staziunara), uffant	Chasada da 2 personas

- 2.4. Sche plirs uffants èn pertutgads d'ina u da pliras mesiras, ston ils custs betg cuvrids tenor cifra 1 vegnir quintads ensemen. Da quest import sto vegnir calculada **ina suletta** contribuziun dals geniturs.

Exempel

<i>Mesira uffant 1</i>	
Custs da mesiras	fr. 1000.–
Entradas uffant 1	– fr. 500.–
Import restant betg cuvri	fr. 500.–
<i>Mesira uffant 2</i>	
Custs da mesiras	fr. 3000.–
Entradas uffant 2	– fr. 500.–
Import restant betg cuvri	fr. 2500.–
<i>Situaziun da partenza per contribuziun dals geniturs</i>	
Import restant betg cuvri uffant 1	fr. 500.–
Import restant betg cuvri uffant 2	+ fr. 2500.–
Import restant custs da mesiras	fr. 3000.–

- 2.5. En cas da maridaglia, da partenadi registrà u da concubinats etablids ston las entradas dal nov partenadi vegnir resguardadas per calcular il preventiv COSAS extendi. In'obligaziun da sustegn da la partenaria u dal partenari envers l'uffant betg biologic exista mo, sche l'uffant è vegnì adoptà. Sche l'uffant na vegn betg adoptà, dastga la contribuziun dals geniturs ch'è vegnida calculada, vegnir pretendida maximalmain en l'autezza da las entradas dal genitur biologic. Sche entradas mancan tar il genitur biologic, sto l'import minimal vegnir pajà.
- 2.6. La contribuziun dals geniturs na dastga betg surpassar l'import restant dals custs da mesiras.